

附：走马牙疳证

症以走马名者，言其疾速，失治即殒故也。盖齿属肾，与胃相通，肾主一身之元气，凡受积热火毒，疳气即奔上焦，或干麻痘之后，及伤寒杂症热病而成，或因平昔过服助热药，并饮毒所中，凡初起口气甚臭，名臭息，次第齿黑，名崩砂，盛则龈烂，名溃槽，热血迸出，名宣露，璠甚者，牙脱落，名腐根，既脱齿不复回生矣，可见此症，贵乎速治也。

凡牙疳初起，黑烂腐臭出血者，宜服**芦荟**消疳饮，若脾胃虚者，宜兼服**人参茯苓**粥，吹以神功丹，若痘疹后余毒所中者，宜服清疳解毒汤，外势轻者，俱用人中白散擦之，若坚硬青紫渐腐穿腮齿摇动者，宜**芦荟**散擦之，凡牙疳见红血流者，吉，如顽肉不脱，腐肉渐开掀肿，外散臭气，身热不退俱属不治。

又牙疳五不治症，齿落无血者，不治，腮崩唇破者，不治，黑腐不脱者，不治，臭气理常者，不治，服药不效者，不治。

芦荟消疳饮

芦荟(五分生) **牛蒡子**(五分炒研) 元参(五分) **桔梗**(六分) 川**黄连**(八分) **薄荷**(六分) 梔仁(五分) 生**甘草**(四分) **升麻**(二分) 石膏(三钱) **羚羊角**(一钱另磨) 银**柴胡**(五分)

加**淡竹叶**五片为引，水二钟煎至六分，食远服症重者分紫加一倍。

人参茯苓粥

人参(一钱) 白云苓(六钱)

共研末同粳米一茶钟熬成粥先以盐汤将口漱净，再食粥。

清疳解毒汤

人中黄(五分) 川**黄连**(六分) 元参(六分) **牛蒡子**(一钱) 北**柴胡**(五分) **防风**(五分) 生石膏(二钱) 犀角(一钱另磨并服) **知母**(八分) 生**甘草**(三分) **连翘**(八分去心) **荆芥**(八分) **淡竹叶**(一钱) 加灯心五十寸，水二钟，煎服，若呕吐，加**芦根**五钱。

神功丹

专治一切牙疳，有神效。

人中白(二钱) [黄柏](#)(六钱) [青黛](#)(六钱水飞) [薄荷叶](#)(六钱) [儿茶](#)(一钱) [冰片](#)(六分)

为璫细末，日用七八次。涎外流不止者，吉。若无涎则毒瓦斯内攻，即属不治之症。每以韭菜根煎水，频漱。

炼人中白法

取多年溺壶内底上所起者为最，其次即妇人溺桶内所起者，亦可。无论多寡，总取大块，放瓷盆内，置屋上，任其霜压雨淋风吹日晒，如此一二年，或多年更妙。取下放新瓦上，以炭火炼红烟尽为度，再研细收贮候用，愈陈愈妙。

人中白散

(一名璫功散)

白霜梅(二钱) 人中白(五钱火) [枯白矾](#)(二钱) 大梅片(二分) 共研细末。先用韭根萝卜煎浓汁，乘热以鸡翎号洗患处，去净腐肉见鲜血，再敷此药。若烂至咽喉者，以芦筒吹之。

戌骨丹

治走马牙疳，并痘后牙疳，取白色狗屎，于长流水中淘出白骨，漂净，瓦上炙黄，研璫细，入[麝香](#)少许，擦疳上数次愈。

芦荟散

[芦荟](#)(二钱) [黄柏](#)(五钱) 白人言(五分，用红枣五枚去核，每枣纳白人言一分，火烧存性) 共研细末。先用米泔水漱净疳毒，再敷齿患处效。

独胜丹

治一切牙疳穿腮破唇，实有奇效。

取白茄蒂，不拘多少，阴干，瓦上炙燥，为细末，加[冰片](#)少许，收固每吹患处，即愈。

紫花散

治小儿口疳神验。

甘蔗皮烧灰研末，加冰片一字，掺之。

赤霜散

专治走马牙疳，延烂穿腮不堪，危险之症。

用红枣一枚去核，入红砒如黄豆大一粒，扎好放瓦上炙至枣上起白烟，俟烟尽取下盖熄候冷，加冰片一字，研璠细，吹患处，效速如神，若久烂之孔，亦能生肌捷速也。

圣功丹

治一切牙疳，有奇效。

硼砂(五分) 蒲黄(一分) 人中白(二分) 马勃(一分) 儿茶(一分) 甘草节(八厘) 僵蚕(五厘) 冰片(五厘) 麝香(四厘) 上为细末，收固，水漱口净吹之，数次即愈，此方出于岫云山人，而其功效过于神功丹，人中白散诸方，若疳重加青黛黄柏等分。

保元丹

凡牙疳久不愈者，吹之，无不神验。

取稻草不拘多少密扎成把，候冬至日放露天粪缸内至春分取起，于长流水中洗净污秽，置屋上，任日炽雨淋雪压，愈陈愈妙，再将草烧成黑灰，研末，每茶加冰片三分和乳璠细，吹患处，立效，枢扶氏曰，以上牙疳诸方乃广搜各名家要义，及友人秘授者，皆经应验之方也后之治者，认症勿差，用药勿错，安有不效，至于临症变通，又存乎其人耳。